
	TAMANG SAGOT (TS) Gabay sa tamang pag-unawa sa PhilHealth Circular	
	Circular No.	2022-0006
	Title	Implementation of the Debit-Credit Payment Method (DCPM) - Nationwide (Revision 1)

Tanong	Sagot
A. Tanong ng Publiko	
1. Ano ang Debit Credit Payment Method o DCPM?	Ang DCPM ay isang mekanismo na binuo ng PhilHealth upang mas mapabilis ang pagbabayad sa mga Health Care Facility (HCF) sa panahon ng Public Health Emergency dulot ng COVID-19.
2. Ano ang DCPM-Nationwide?	Sa ilalim ng DCPM - Nationwide, babayaran ng PhilHealth ang kabuuang 80% (bawasan ng 2% bilang withholding tax para sa mga pribadong HCF) ng in-process claims na natanggap simula February 01, 2020 hanggang February 15, 2022 mula sa mga kwalipikadong pasilidad. Pagkatapos ay babayaran naman ang natitirang 20% (bawasan ng 2% bilang withholding tax para sa mga pribadong HCF) ng mga claim matapos sumailalim sa pagproproseso ayon sa umiiral na polisiya.
3. Bakit kailangang magpatupad ng ganitong uri ng pagbabayad ang PhilHealth?	Dahil sa patuloy na pagtaas ng mga kaso ng COVID-19 na lubhang nakaapekto sa Philippine health system ay binuo ang DCPM upang matulungan ang mga HCF na magkaroon ng sapat na pondo, makapagpatuloy ng kanilang operasyon, at diretsong makatugon sa mga pangangailangan ng pasyente ngayong panahon ng pandemya. Gayundin, upang mabigyan ang mga pasilidad na gumagamot sa COVID-19 cases ng isang mas mabilis na mekanismo ng pagbabayad ng kanilang mga claims.
4. Ano ang legal na basehan para sa pagpapatupad ng DCPM - Nationwide?	Ang DCPM ay naaayon sa R.A. 7875, na inamyendahan ng R.A. 9241 at 10606, gayundin sa R.A. 11223 o Universal Health Care Act kung saan sinasabing maaaring magpatupad ang PhilHealth ng iba't-ibang pamamaraan ng pagbabayad sa mga pasilidad. Ito ang naging basehan sa pagbuo ng PhilHealth Circular 2022-0006 na inaprubahan ng Board noong November 24, 2021.
5. Mga kaso ng COVID-19 lamang ba ang magiging sakop ng DCPM?	Lahat ng claim ng ospital, maging kaso man ito ng COVID-19 o hindi, ay sakop ng DCPM. Kailangan lamang mag-apply at magqualify ang isang HCF sa mga patakaran na itinakda ng PhilHealth.




	TAMANG SAGOT (TS)	
	Gabay sa tamang pag-unawa sa PhilHealth Circular	
	Circular No.	2022-0006
	Title	Implementation of the Debit-Credit Payment Method (DCPM) - Nationwide (Revision 1)

6. Ano ang pakinabang ko bilang miyembro sa DCPM?	Makatitiyak ang isang miyembro na patuloy ang pagbibigay sa kanya ng mga pasilidad ng serbisyong medikal dahil ginagarantiyahan ng PhilHealth na mas mabilis nitong babayaran ang mga claims upang ang mga pasilidad ay patuloy na makatugon sa pangangailangan ng mga pasyente.
7. Ngayong mayroong DCPM, may kailangan pa ba akong bayaran sa pagpapa-ospital?	Ang umiiral na patakaran para sa no co-payment o No Balance Billing policy ay mananatili pa rin.
8. Matutugunan ba ng DCPM ang mga kasalukuyang kakulangan sa mga ospital?	Oo. Dahil sa mabilis nang mababayaran ng PhilHealth ang mga HCF, magkakaroon sila ng sapat na pondong magagamit upang tustusan ang mga kasalukuyang kakulangan sa pasilidad at kinakailangang serbisyo ng mga pasyente.
9. Paano makakasiguro na napo-protektahan pa rin ang pondo ng PhilHealth?	Tanging mga good claims lamang o ‘yung mga karapat-dapat bayaran na claim ang siyang mababayaran sa ialim ng DCPM. Hindi kasali dito ang mga may deficiency, mga denied at mga dapat na imbestigahan. Makakaasa ka na hindi magre-release ang PhilHealth ng pondong hindi accounted.

B. Tanong ng mga Health Care Facilities

1. Anong period ng mga claim ang mababayaran sa ilalim ng DCPM - Nationwide?	Sakop ng DCPM - Nationwide ang lahat ng claims na in-process (hindi kasali dito ang mga may deficiency, mga denied at mga dapat na imbestigahan at nakasama sa Temporary Suspension of Payment of Claims at mga claims na aprubado na para mabayaran at hindi nakasama sa DCPM Population mula sa unang apat na pagpapatupad ng DCPM) na natanggap o nai-refile mula February 01, 2020 hanggang February 15, 2022.
2. Lahat ba ng claim na nai-file ng ospital ay mababayaran sa DCPM -nationwide?	Tanging mga in-process claims na lamang ang mababayaran sa DCPM. Hindi kasama rito ang mga Return-to-Hospital claims, Denied claims, Claims referred to Legal for investigation at mga nakasama sa Temporary Suspension of Payment of Claims, mga claims na aprubado na para mabayaran at claims na nakasama sa DCPM Population mula sa unang apat na pagpapatupad ng DCPM. Karagdagan dito, hindi rin kasama ang mga claims na directly filed ng mga miyembro, mga claims na may invalid illness codes at mga natukoy na in-process at naisama sa unang apat na pagpapatupad ng DCPM at naibalik sa ospital/pasilidad at natanggap na ng PhilHealth sa loob ng covered period ng unang



	TAMANG SAGOT (TS)	
	Gabay sa tamang pag-unawa sa PhilHealth Circular	
	Circular No.	2022-0006
	Title	Implementation of the Debit-Credit Payment Method (DCPM) - Nationwide (Revision 1)

	apat na pagpapatupad ng DCPM. Panghuli, hindi kasama dito ang mga natanggap na claims simula February 16, 2022.
3. Bakit hindi kasama ang mga RTH, Denied, at Under Investigation sa mga mababayaran sa DCPM - Nationwide?	Dahil ang mga claims na ito ay may mga deficiency na kailangang i-comply pa ng HCF. Matapos ang compliance at mapatunayang ang claims ay dapat bayaran ay saka pa lamang ito mapapabilang sa mga good claims.
4. Lahat ba ng Health Care Facilities ay maaaring mag-apply para sa DCPM - Nationwide?	Hindi. Tanging mga HCF na gumagamot ng mga pasyenteng nagka-COVID -19 at mga pasilidad na nagbibigay ng PhilHealth COVID – 19 Testing Package. Kinakailangan din na wala nang balanse sa IRM ang nasabing pasilidad, may claim para sa COVID-19 Package at COVID -19 Testing Package ng PhilHealth, at hindi suspendido ang accreditation sa PhilHealth sa loob ng naitakdang panahon sa polisiyang ito.
5. Ano-ano ang mga kailangan upang makapag-apply sa DCPM - Nationwide?	Ang mga kwalipikadong HCF ay kailangang magsumite ng Letter of Intent (LOI) o aplikasyon para DCPM at Undertaking na nilagdaan ng may-ari o Medical/Hospital Director ng pasilidad. Ito ay sasailalim sa screening ng PhilHealth.
6. Kailan matatanggap ng HCF ang nalalabing 20% ng bayad matapos matanggap ang 80%?	Matatanggap ng mga HCF ang natitirang 20% sa pamamagitan ng progressive payment matapos dumaan ang claim sa regular na proseso at reconciliation mula sa naunang natanggap na 80%
7. Magkakaroon ba ng pagbabago sa pamamaraan ng pagpa-file ng claim sa ilalim ng DCPM - Nationwide? O may bago bang system na gagamitin para dito?	Wala. Ang umiiral na patakaran para sa pagpapa-file nang claim ay mananatili pa rin at wala rin ibang system na gagamitin para dito.





TAMANG SAGOT (TS)

Gabay sa tamang pag-unawa sa PhilHealth Circular

Circular No.	2022-0006
Title	Implementation of the Debit-Credit Payment Method (DCPM) - Nationwide (Revision 1)

